

## PRIJEDLOG

Na osnovu člana 8. stav 3. tačka 29. Zakona o principima lokalne samouprave u Federaciji BiH ("Službene novine FBiH", broj 49/06 i 51/09), člana 28. stav 4. Zakona o zaštiti i dobrobiti životinja ("Službeni glasnik BiH", broj 25/09 i 9/2018), člana 3. Pravilnika o osnivanju i uvjetima koje moraju ispunjavati skloništa za životinje ("Službeni glasnik BiH", broj 27/10), člana 9. Odluke o komunalnim djelatnostima ("Službene novine ZDK", broj 17/08) i člana 18. Statuta Općine Maglaj ("Službene novine Općine Maglaj", broj: 6/25), općinsko vijeće Maglaj na sjednici održanoj dana \_\_\_\_\_ 2026. godine, d o n o s i:

### ODLUKU

#### o osnivanju higijenskog servisa za životinje na području Općine Maglaj

##### Član 1.

Ovom Odlukom utvrđuju se uslovi, način osnivanja, lokacija i finansiranje Higijenskog servisa za životinje za područje općine Maglaj.

##### Član 2.

Higijenski servis za životinje za područje općine Maglaj osniva se u svrhu hvatanja i zbrinjavanja napuštenih životinja, divljih životinja i zaštićenih divljih životinja sa javnih površina shodno odredbama Zakona o zaštiti i dobrobiti životinja (Službeni glasnik BiH, broj 25/09) i odredbama Pravilnika o osnivanju i uslovima koje moraju ispunjavati higijenski servisi („Službeni glasnik BiH“, broj 27/10).

##### Član 3.

Higijenski servis za životinje se osniva pri JP Veterinarska stanica Maglaj d.o.o., kao sastavni dio preduzeća.

##### Član 4.

JP Veterinarska stanica Maglaj d.o.o. je dužna organizovati radno vrijeme higijenskog servisa na način da isto mora biti najmanje osam sati radnim danom, a tokom 24 sata dnevno mora osigurati dežurstvo za prijem životinja u hitnim slučajevima.

##### Član 5.

JP Veterinarska stanica Maglaj d.o.o. dužna je svaku novoprimitu životinju evidentirati i obezbijediti joj smještaj do prijevoza životinje u sklonište. JP Veterinarska stanica Maglaj d.o.o. dužna je osigurati veterinarsku zaštitu zdravlja životinja, redovno pojenje i hranjenje, dezinfekciju i liječenje do momenta upućivanja u sklonište za životinje. Smještaj primljenim životinjama do njihovog prijevoza u sklonište, JP Veterinarska stanica Maglaj d.o.o. obezbijedit će unutar vlastitih prostorija, odnosno zaključivanjem ugovora sa ovlaštenim pravnim ili fizičkim licima sa području druge lokalne zajednice o korištenju njihova skloništa.

##### Član 6.

Sredstva za finansiranje Higijenskog servisa za životinje obezbijedit će se u Budžetu općine Maglaj i drugih vidova finansiranja (donacije, pokloni i sl.).

##### Član 7.

Ova Odluka stupa na snagu danom objavljivanja u „Službenim novinama općine Maglaj“.

PREDSJEDAVAJUĆA  
Aida Bašić

## OBRAZLOŽENJE

### PRAVNI OSNOV ZA DONOŠENJE

Pravni osnov za donošenje ove Odluke su član 8. stav 3. tačka 29. Zakona o principima lokalne samouprave u Federaciji BiH ("Službene novine FBiH", broj 49/06 i 51/09), član 28. stav 4. Zakona o zaštiti i dobrobiti životinja ("Službeni glasnik BiH", broj 25/09 i 9/2018), član 3. Pravilnika o osnivanju i uvjetima koje moraju ispunjavati skloništa za životinje ("Službeni glasnik BiH", broj 27/10), član 9. Odluke o komunalnim djelatnostima ("Službene novine ZDK", broj 17/08) i član 18. Statuta Općine Maglaj ("Službene novine Općine Maglaj", broj: 6/25).

### RAZLOG ZA DONOŠENJE

Razlog za donošenje ove Odluke je potreba usklađivanja općinskih propisa sa odredbama Zakona o zaštiti i dobrobiti životinja BiH („Službeni glasnik BiH“, broj 25/09) i Pravilnika o utemeljivanju i uvjetima koje moraju ispunjavati higijenski servisi („Službeni glasnik BiH“, broj: 27/10).

Obrađivač: Jasminka Saračević

Kontrolor: Faris Habibović



OPĆINSKI NAČELNIK  
Maid Suljaković